



得漢書  
一



光緒十三年二月  
廣雅書局刻

後漢書辨疑卷一

嘉定錢大昭撰

大昭撰

錢大昭

錢大昭

目錄

志第六卷大喪 閩本大喪下有諸侯王列侯始封貴人公主

薨一條

第二十九卷導從卒 卒當作車志中標目亦作車

列傳第五卷注歛曾孫歷 歛字衍閩本無

第八卷吳漢陳俊蓋延臧宮 案蓋延當在陳俊之前

第十一卷子隗 子隗二字當注在任光下

第十八卷馮衍注子豹 閩本子豹二字注在下卷馮衍下

第三十卷上班彪注子固 閩本子固二字注在下卷班彪下

後漢書辨疑卷一

廣雅書局印

第四十卷 依光武十王之例當有明八王三字閩本不脫

第四十五卷 脫章八王三字閩本不脫

第六十四卷上袁紹注子譚 子譚二字閩本注在下卷袁紹

下

第七十一卷范丹 閩本作范冉注云一名丹

光武帝紀

南陽蔡陽人 杜佑曰棗陽後漢蔡陽縣漢春陵故城在今縣

東

買生鬱林太守外注鬱林郡今郴州縣 胡三省曰唐郴州無

鬱林縣而唐之桂柳鬱邕象鸞潯南尹樂融賓等州皆漢鬱

林郡地

欽生光武 光武母張氏趙國張況族姊光武呼況爲大舅見張禹傳

光武避吏新野 鄧晨傳云及光武與家屬避吏新野舍晨廬甚相親愛

更始元年 是歲王莽地皇四年也不應提行

注清陽縣屬南郡 案清陽兩漢志俱作育陽屬南陽此作南郡誤也

初王莽徵天下能爲兵法者六十三家數百人 按王莽傳云

徵諸明兵法六十三家術者各持圖書受器械此者字當在 家字下

以爲壘尉 百官表有中壘校尉今省作壘尉

後漢書辨疑卷一

衝軻撞城 說文軻兵車也漢書衡山王傳作軻車鍛矢

六月己卯 通鑑作己卯朔

酒遣光武以破虜將軍行大司馬事 案上文拜光武爲破虜

大將軍此脫大字

復漢官名吏人喜悅 閩本官名下有古字疑是故字之譌

於是引兵拔廣阿 杜佑曰趙州昭慶縣漢廣阿縣

遂東圍鉅鹿 杜佑曰唐鉅鹿縣漢南縣也漢鉅鹿縣今平鄉

也

會諸將軍燒之 閩本無將字

秦豐自號楚黎王注秦豐黎丘鄉人 案黎丘鄉屬南郡郟縣

續漢書志作黎丘

又別號諸賊尤來 水經注云鄒山記曰徂來山在兗州梁父  
奉高博城三縣界今猶有美松赤眉樊崇保此山自號尤來  
三老

注大將軍營有五部部三校尉 案續志部校尉一人

建武元年大軍復進至安次 安次今順天府文安縣

迺遣吳漢率耿弇陳俊馬武等十二將軍追戰於潞東 案耿

弇傳云光武還薊復遣弇與吳漢景丹蓋延朱祐邳彤耿純

劉植岑彭祭遵堅鐔王霸陳俊馬武十三將軍追賊至潞東

據此則十二當作十三

行到南平棘注屬常山郡 案地理志常山郡平棘無南字

千秋亭五成陌 千秋五成皆取嘉名

後漢書辨疑卷一

廣雅書局藏

揚化將軍堅鐔等十一將軍 案十一將軍者吳漢朱祐岑彭

賈復堅鐔而外有大司空王梁右將軍萬脩驍騎將軍劉植

積射將軍侯進偏將軍馮異祭遵王霸也見岑彭傳

盧方起安定 方闕本作芳

破虜大將軍叔壽 廣韻叔姓左傳魯公子叔弓之後

二年大司馬吳漢率九將軍 案九將軍者大司空王梁建義

大將軍朱祐大將軍杜茂執金吾賈復揚化將軍堅鐔偏將

軍王霸騎都尉劉隆馬武陰識也見吳漢傳

庚辰封功臣皆爲列侯 時詔使馮勤典諸侯封事勤差量功

次輕重國土遠近地勢豐薄不相踰越莫不厭服焉自是封

爵之制非勤莫定

率征虜將軍祭遵等二將軍擊恆農賊 二當作五祭遵而外  
有建義大將軍朱祐漢忠將軍王常騎都尉王梁臧宮也見  
祭遵傳

遣執金吾賈復率二將擊更始鄧王尹遵 案二將軍騎都尉  
陰識驍騎將軍劉植也遵更始傳作尊

遣虎牙大將軍蓋延率四將軍伐劉永 案四將軍者駙馬都  
尉馬武騎都尉劉隆護軍都尉馬成偏將軍王霸也

殺淮陽太守潘蹇 廣韻周文王子畢公之子季孫食采於潘  
因氏焉晉有潘父楚有潘崇

帝自將征五校大破五校于譙陽 案譙陽之役從帝往擊者

大司馬吳漢建威大將軍耿弇建義大將軍朱祐執金吾賈

後漢書辨疑卷一

四 廣雅書局

復偏將軍馮異強弩將軍陳俊左曹王常騎都尉臧宮也說  
文魏都有譙陽鄉讀若譙

以廷尉岑彭爲征南大將軍率八將軍討鄧奉于堵鄉 案八

將軍者朱祐賈復及建威大將軍耿弇漢忠將軍王常武威  
將軍郭守越騎將軍劉弘偏將軍劉嘉耿植也

三年以偏將軍馮異爲征西大將軍 晉書職官志云四征起

于漢代

與赤眉戰于回溪禹異敗績 案回溪之役鄧禹馮異與車騎

將軍鄧弘同敗本紀不及鄧弘未知何故

立皇考南頓君以上四廟 春陵節侯鬱林太守鉅鹿都尉南

頓令也

餘眾南向宜陽 南向馮異傳作東走說詳馮異傳

遣吳漢率二將軍擊青犢于軻西 案二將軍者建威大將軍耿弇虎牙大將軍蓋延也

大破鄧奉于小長安 小長安在南陽郡育陽縣

吳漢率七將軍與劉永將蘇茂戰于廣樂 七疑當作二吳漢

傳云率驃騎大將軍杜茂彊弩將軍陳俊等圍蘇茂于廣樂 征南大將軍岑彭率三將軍伐秦豐 三將軍傳俊臧宮劉弘

也

四年遣右將軍鄧禹率二將軍與延岑戰于武當 案二將軍

復漢將軍鄧曄輔漢將軍于匡也

遣大司馬吳漢擊五校賊于箕山 案是時漢與彊弩將軍陳

後漢書辨疑卷一

五

廣雅書同釋

俊前將軍王梁同往本紀不言率二將軍似略

遣征虜將軍祭遵率四將軍討張豐于涿郡 案四疑當作三

三將軍者建義大將軍朱祐建威大將軍耿弇驍騎將軍劉喜也

遣揚武將軍馬成率三將軍伐李憲 案三將軍者誅虜將軍

劉隆振威將軍宋登射聲校尉王賞也

遣建義大將軍朱祐率二將軍圍秦豐于黎丘 案二將軍者

破虜將軍侯進輔威將軍耿植也

五年大司馬吳漢率建威大將軍耿弇擊富平獲索賊于平原

案是役也耿弇而外有漢忠將軍王常

復遣耿弇率二將軍討張步 二將軍騎都尉劉歆太山太守

陳俊也

遣征南大將軍岑彭率二將軍伐田戎于津鄉 案二將軍者傅俊及威虜將軍馮駿也

注蔚宗序例云帝紀略依春秋惟李慧日食地震書餘悉備于志 案序例之說得史體矣符瑞之屬當具于五行志范志雖失傳其書固有五行志也見蔡邕傳今紀中建武十二年甘露降南行唐黃龍見東阿十七年有五鳳皇見于潁川郟縣永平十一年灤湖出黃金時麒麟白雉醴泉嘉禾所在出焉建初三年零陵獻芝草四年甘露降泉陵洮陽二縣五年零陵獻芝草有八黃龍見于泉陵元和二年鳳皇集肥城桓帝之世更史不絕書何自相刺謬耶

後漢書辨疑卷一

六

九雜書同采

盧芳自稱天子于九原 案芳傳于建武元年匈奴已立爲帝矣

交阯牧鄧讓率七郡太守遣使奉貢 七郡太守謂江夏太守侯登武陵太守王堂長沙相韓福桂陽太守張福零陵太守田翁蒼梧太守杜穆交阯太守錫光也見岑彭傳章懷以七郡爲南海蒼梧鬱林合浦交阯九真曰南非也

六年遣虎牙大將軍蓋延等七將軍從隴道伐公孫述 七將軍者蓋延及征虜將軍祭遵建威大將軍耿弇捕虜將軍馬武驍騎將軍劉歆武威將軍劉尚漢忠將軍王常也

遣前將軍李通率二將軍與公孫述將戰于西城 案二將軍謂破姦將軍侯進討虜將軍王霸也



隗囂遣將行巡寇扶風 廣韻行姓周有大行人之官其後氏

焉

七年公孫述立隗囂爲朔盛王 朔盛取其綏靜北方

省長水射聲二校尉官 耿國爲射聲校尉因罷此官更拜駙

馬都尉是也

八年殺隗囂守將 囂將金梁也

高句驪王遣使奉貢 初王莽更名高句驪王爲下句驪侯至

是始復其王號

九年遣大司馬吳漢率四將軍擊盧芳將賈覽于高柳 四將

軍謂討虜將軍王霸橫野大將軍王常建義大將軍朱祐破

姦將軍侯進也

後漢書辨疑卷一

遣中郎將來歛監征西大將軍馮異等五將軍討隗純于天水

五將軍謂馮異及建威大將軍耿弇虎牙大將軍蓋延楊

武將軍馬成武威將軍劉尚也

復置護羌校尉官 西羌傳同然溫序于建武六年已爲護羌

校尉似非九年始置矣見獨行傳

十年大司馬吳漢率捕虜將軍王霸等五將軍擊賈覽於高柳

案五<sub>疑</sub>當作四王霸傳云明年霸復與吳漢等四將軍出

高柳擊西<sub>疑</sub>覽捕虜將軍馬武也此當作討虜建武五年拜霸

爲討虜<sub>疑</sub>軍

大破隗純<sub>疑</sub>落門 續漢志漢陽襄縣有雒門聚雒與落同

來歙率諸<sub>疑</sub>擊羌于五谿 諸將謂虎牙大將軍蓋延武威將

軍劉尙大中大夫馬援也

十一年征南大將軍岑彭率三將軍 案三將軍謂誅虜將軍  
劉隆輔威將軍臧宮驍騎將軍劉歆也

破公孫述將王元環安于下辯注縣名 案下辯道名地理志  
有下辯道郡國志脫道字攷隸釋武都丞等題名有下辯道  
長任詩注云縣名非也

十二年九真徼外蠻夷張遊率種人內屬封爲歸漢里君 夷  
疑當作里故封游爲里君也章懷云里蠻之別號今呼爲俚  
人

十三年皆襲爵爲王不應經義 朱祐傳祐奏古者人臣受封  
不加王爵可改諸王爲公帝卽施行

後漢書辨疑卷一

八

廣雅書局宋

以周承休公姬常爲衛公 前書恩澤侯表云建武二年五月  
戊辰更常爲周承休侯五年侯武嗣十三年更爲衛公今范  
書侯作公十三年更封仍作姬常不云姬武未知孰是

益州傳送公孫述警師郊廟樂器棨車輿輦 與當作輿  
廣漢徼外白馬羌豪率種人內屬 樓登等率五千餘戶內屬

封爲歸義君長

日南徼外蠻夷獻白雉白兔 日南南蠻傳作南越

十四年封孔子後志爲褒成侯 此卽成亭侯也孔僖傳謂初

封褒成至孔損徙封褒亭非是

是歲會稽大疫注會稽今越州縣 陳景雲曰是時會稽理吳  
至順帝分置吳郡徙會稽理山陰乃爲唐之越州地耳注徵

誤

十五年徙雁門代郡上谷三郡民置常關居庸關以東 案常關當從南匈奴傳作常山關吳漢傳作常關亦誤

陛下德橫天地興復宗統 橫與光古字通言聖德光乎天地也

陛下恭讓克讓 上讓字誤閩本作謙

十六年交趾女子徵側反略有城邑 略六十五城自立為王

又以畏慙捐城委守者皆不以為負 捐城通鑑作損怯

自是牛馬放牧邑門不閉 通鑑放牧下有不收二字

十七年二月乙亥晦日有食之 乙亥五行志作乙未

進幸葉章陵注葉縣屬南郡 案葉章陵俱屬南陽注云南郡

後漢書辨疑卷一

九

廣雅書局采

誤

五月乙卯車駕還宮 上云四月乙卯南巡狩則五月不得又

有乙卯二者必有一誤

其餘九國公皆即舊封進爵為王 案光武十王傳云臨淮懷

公衡建武十五年立未及進爵為王而薨無子國除本紀諸

公進爵在十月臨淮公衡薨在六月則進爵為王者止有楚

東海濟南東平淮陽山陽左琅邪八王不得云九國皆因舊

國封也

十八年遣大司馬吳漢率二將軍討之 二將軍謂劉尚臧宮

也

甲寅西巡狩 甲寅杜篤傳作甲辰

十九年脩西京宮室 脩宮室事詳見杜篤傳

二十年大司徒戴涉下獄死 融傳云戴涉坐所舉人盜金

下獄帝以三公參職不得已乃策免融涉所坐之罪當以融

傳爲正注疑誤

東夷韓國人率眾詣樂浪內附 韓國人卽韓國廉斯人蘇馬

鞬也

二十一年安定屬國胡叛屯聚青山 青山在參綠縣參綠故

屬安定郡國志屬北地

二十二年大司空朱浮免 坐賣弄國恩

使中郎李茂報命 匈奴傳作中郎將閭本監本俱有將字

匈奴北徙幕南地空 幕烏桓傳作漠

後漢書游疑卷一

二十三年南郡蠻叛 潞山蠻雷遷等寇掠

高句驪率種人詣樂浪內屬 種人蠶支落大加戴升等也

二十四年于是伏波將軍馬援率四將軍討之 伏波上當有

遣字四將軍謂馬武耿舒劉匡孫永也

二十五年遼東徼外貊人 貊人卽句驪也東夷傳作句驪案

本紀東夷傳並云元初五年高句驪與濊貊寇玄菟則句驪

與濊貊明是兩國傳作句驪紀作貊人者以句驪一名貊耳

也

寇右北平漁陽上谷太原 陳景雲曰太原二字非衍卽誤貊

人入寇東邊諸郡耳不能西至太原內地也東夷傳同

烏桓大人率眾內屬 烏桓大人郝旦旣于春閒來朝矣後又

率眾九百餘人內屬故復記之

二十六年詔有司增百官奉西京百官受奉之制前書不載

顏師古注百官表所云漢制與章懷引續漢志相同官志與

章懷所引微有不同惟此六百石顏注云六十斛為小異耳顏注大率

即用續志其增減之數不可攷矣

二十七年益州郡徼外蠻夷哀牢王賢栗也

魯王興齊王石始就國帝問趙憙以久長之計憙請遣諸王

就國帝從其議

二十八年淮陽王延始就國延于次年入朝見第五倫傳

三十年十一月乙酉至自魯通鑑作丁酉

三十一年陳留兩穀形如稗實論衡感虛篇云建武三十一

後漢書辨疑卷一

十一 廣雅書局叢

年陳留兩穀穀下蔽地案視穀形若莢而黑有似于稗實也

中元元年隸釋成都漢蜀郡太守何君造尊榿閣碑其末

云建武中元二年六月就案范史本紀建武止三十一年次

年改爲中元書爲中元元年觀此所刻乃是雖別爲中元猶

冠以建武如文景中元後元之類也又祭祀志載封禪後赦

天下詔明言改建武三十二年爲建武中元元年東夷倭國

傳建武中元二年來奉貢證據甚明宋葛公紀元通譜云紀

傳俱出范史必傳寫脫誤學者失于精審以意刪去梁武帝

大同大通俱有中元字是亦憲章于此

淮陽王延趙王盱盱傳作栩

丁卯東巡狩二月己卯幸魯進幸太出馬第伯封禪儀記云

車駕正月二十八日發雒陽宮二月九日到魯十二日宿奉  
高十五日始齋登封

登封泰山甲午禪于梁父 先是三十年二月太尉趙熹上言  
宜封泰山帝不許至三十二年正月上讀河圖會昌符曰赤  
劉之九會命岱宗之文乃詔梁松等復案索河雒讖文言九  
世封禪事松等列奏乃許焉

是歲初起明堂靈臺辟雍 楊銜之雒陽記云平昌門直南大  
道東是明堂大道西是靈臺

隴西太守劉盱遣軍救之 遣從事辛都監軍掾李苞也

論曰生光武于縣含有赤光照室中 論衡吉驗篇云光武帝

建平元年十二月甲子生于濟陽宮後殿第二內中皇考爲

後漢書辨疑卷一

十一

廣雅書局藏

濟陽令時夜無火室內自明皇考怪之卽召功曹吏充蘭使  
出問卜工蘭與馬下卒蘇永俱之卜王長孫所長孫卜謂永  
蘭曰此吉事也毋多言王長孫本紀作王長

是歲縣界有嘉禾生一莖九穗 吉驗篇云是歲有禾生景天  
備火中三本一莖九穗長于禾一二尺蓋嘉禾也

氣佳哉鬱鬱蔥蔥然 吉驗篇云王莽時謁者蘇伯阿能望氣  
使過春陵城郭鬱鬱蔥蔥及光武到河北與伯阿見問曰卿  
前過春陵何用知其氣佳也伯阿對曰見其鬱鬱蔥蔥耳

遠望舍南火光赫然屬天有頃不見 吉驗篇云元帝之初有  
鳳皇下濟陽宮故今濟陽宮有鳳皇廬始與李文等俱起到  
柴界中遇賊兵惶惑走濟陽舊廬比到見光若火正赤在舊

廬道南光耀憧憧上屬天有頃不見

後漢書辨疑卷一終 南海潘乃成番禺陳慶修鄭權金俊基校字

後漢書辨疑卷一

三

廣雅書局印

嘉定錢大昭撰

明帝紀

顯宗孝明皇帝諱莊 初名陽後改名莊

帝生而豐下 左傳穀也豐下必有後於魯國

監捕虜將軍馬武等二將軍 二將軍馬武及中郎將王豐也  
方春戒節人以耕桑其敕有司務順時氣 樊儵傳儵議刑辟  
宜須秋月以順時氣顯宗從之襄楷傳永平舊典諸當重論  
皆須冬獄先請後刑

永平元年帝率公卿以下朝于原陵 水經注光武葬臨平亭

南西望平陰大河逕其北

後漢書辨疑卷二

廣雅書局

二年朕親袒割 文選東京賦注引東觀記割下有牲字

其賜樂爵關內侯食邑五千戶 賜桓榮爵而不及李躬疑有

脫文

有司其存者蓋 存謂存問之

歷覽館邑 館邑御覽九十一引東觀記作館舍邑居

護羌校尉竇林下獄死 坐欺罔及臧罪

三年改大樂為大子樂 曹褒傳尚書璇璣鈴曰有帝漢出德

洽作樂名予明帝善之下詔改太樂官曰太子樂蔡邕禮樂

志云漢樂四品一曰大子樂典郊廟上陵殿諸食舉之樂二

曰周頌雅樂典辟雍饗射六宗社稷之樂三曰黃門鼓吹天

子所以宴樂羣臣四曰短簫鏡歌軍樂也通鑑注引之



車駕從皇太后幸章陵觀舊廬 建武六年改春陵鄉爲章陵

縣

四年河南尹范遷爲司徒 遷字子廬沛國人附見郭丹傳

六年易曰鼎象三公 今易無此文當是易緯

示不爲諂子蚩也 蚩笑也今俗別作嗤非是

八年注日明則道正不明則政亂 道正閩本作政理

九年爲四姓小侯開立學校置五經師 張酺傳云顯宗爲四

姓小侯開學于南宮置五經師以尙書教授案四姓小侯

注以爲外戚樊鄩陰馬是也攷秦彭傳云永平中彭以貴人

兄隨四姓小侯則但言四姓者特舉后族耳貴人兄弟亦得

隨入南宮學校也

後漢書辨疑卷二

二

廣雅書局采

十年十一月徵淮陽延會平輿 閩本作十月

十三年河汴分流復其舊迹 往者汴渠決敗則汴流東侵而

合于河今汴隄旣成則汴水東南入泗而兗豫無患河水東

北入海而幽冀蒙利故曰復舊迹也

十月壬辰晦日有食之 續漢書志作甲辰注同

齊王石薨 哀王章之子

十四年司徒虞延免自殺 續志云坐與楚王英黨與黃初公

孫弘等交通

十五年完城旦至司寇五匹 閩本司寇下有作字

徵琅邪王京會良成 良成故屬東海是年更臨淮郡爲下邳

國良成縣屬焉

十六年畱兵屯伊吾廬城 建初二年罷永建六年復屯田置  
伊吾司馬一人

司徒邢穆下獄死 坐與淮陽王延交通知逆謀

十七年正月甘露降于甘陵 甘陵當作原陵陰皇后紀云永  
平十七年正月當謁原陵夜夢先帝太后遂率百官上陵其  
日降甘露于陵樹卽其事

二月癸丑 南雍本閩本俱作三月

初置西域都護戊己校尉 案西域都護是年初置不知罷于  
何時和帝紀永元三年復置安帝紀永初元年復罷志亦不  
載戊己校尉是年初置章帝紀建初元年罷西域傳建初三  
年復置嗣後復罷和帝紀永元三年復置志皆不載

後漢書辨疑卷二

三 廣雅書局影

十八年完城旦司寇五匹 閩本司寇下有作字

館陶公主爲子求郎 公主光武女紅夫也適韓光

有非其人則民受其殃 有閩本作苟

章帝紀

閒祀悉還更衣 惠士奇曰東京廟制異室同堂合祭于堂是

爲正殿閒祀于室是爲便殿便殿爲更衣則閒祀非正祭矣

西京舊制日祭于寢月祭于廟時祭于便殿寢日四上食廟

歲二十五祠便殿歲四祠則便殿乃時祭也與東京不同而

閒祀皆于陵寢諸儒以爲非禮而罷之

建初元年詔三州郡國三州兖豫徐也

舉賢良方正能直言極諫之士各一人 時對策者百有餘人

唯魯不在高第除爲議郎

三年罷常山呼沱石曰河漕續志南行唐有石曰谷

注卽今岷山之州 山之二字衍

四年 是歲平春王全薨紀失書

七年西巡狩以中牢祠蕭何霍光 韋彪傳云彪建言今西巡

舊都宜追錄高祖中宗功臣褒顯先勳紀其子孫乃制詔京

兆尹右扶風求蕭何霍光後時光無苗裔惟封何末孫熊爲

鄼侯

八年三月辛卯葬東平憲王 辛卯傳作己卯

北匈奴大人率眾款塞降 案三木樓訾大人稽留斯等率二

萬八千人款五原塞降

後漢書辨疑卷二

四 廣雅書局宋

元和元年詔曰往者大獄已來掠考多酷鉗鑽之屬慘毒無極

是時承永平故事吏政尙嚴切尙書決事率近于重尙書

陳寵上言宜蕩滌煩苛之法輕薄筮楚帝納之遂詔有司絕

鉗鑽諸慘酷之科解妖惡之禁除文致之請讞五十餘事定

著于令

二年人有產子者復勿算三歲 復復其夫也

以輕爲德 謂以輕爲沽譽釣名市恩德于下

詔曰今山川鬼神 是詔祭祀志作正月其詔書詳見劉昭注

中

使使者祠唐堯于成陽靈臺 成陽靈臺碑云慶都僊沒蓋葬

于茲欲人莫知名曰靈臺上立黃屋堯所奉祠遂遭亡新禮

祠絕矣于是廷尉仲定奏請脩治帝納其謀洪景伯曰兩漢志不言靈臺爲母冢據此碑及述征記靈臺非堯冢明矣其二王之後 謂宋公衛公

復博奉高嬴無出今年田租芻稟 奉高告祠明堂之所博嬴柴告岱宗之所故賜復也

以爲王者生殺宜順時氣 漢舊事斷獄報重常盡三冬之月是時帝始改用冬初十月見陳寵傳

三年解釋怨結也 怨結闡本作結冤

遣使者祠北嶽出長城 此是趙地注以爲蒙恬所築長城非也

幸安邑觀鹽池 楊佺期洛陽記云河東鹽池長七十里廣七

後漢書辨疑卷二

五 廣雅書局采

里山海經所謂鹽販之澤也

章和元年護羌校尉劉盱討之 劉盱西羌傳鄧訓傳並作張

紆案劉盱係隴西太守非護羌校尉盱之爲羌所敗在光武

中元二年距此時已三十餘年其人未必尚在當作張紆

死罪囚犯法在丙子赦前而後捕繫者皆減死勿笞詣金城戍

先是四月丙子赦天下繫囚減死罪一等勿笞詣金城戍

時廷尉郭躬上言今死罪亡命無慮萬人自赦以來捕得甚

眾而詔令不及獨不沾澤臣以爲赦前犯死罪而繫在赦後

可皆勿笞詣金城帝善之故復有是詔

乙未晦日有食之 盧氏文弼曰五行志作元和誤也攷是年

七月九月俱丙申朔與八月乙未正合若元和元年八月是

甲寅朔九月是甲申朔安得八月乙未晦乎

月氏國遣使獻扶拔師子 月氏國疑當作安息國案西域傳

安息國章和元年遣使獻師子符拔大月氏國不載其事

和帝紀

孝和皇帝諱肇 說文以肇爲上諱必不有誤許氏不加解釋

安知其無始訓惟尊君之意不敢加詘訓耳章懷謂伏侯許

慎竝漢時人而帝諱不同蓋古今注譌爲犀字耳

章和二年二月壬辰卽皇帝位 二當作正章帝以正月壬辰

崩則和帝卽位卽在此日

朕且佐助聽政 蔡邕獨斷云少帝卽位太后卽代攝政臨前

殿朝羣臣太后東面少帝西面羣臣上書奏事皆爲兩通一

後漢書辨疑卷二

六 廣雅書局印

詣太后一詣少帝

永元元年度遼將軍鄧鴻出柵陽塞 案度遼將軍至元初年

始授爲眞此度遼上脫行字

二年紹封故淮陽王昞子側爲常山王 案昞于章和元年七

月薨無子國絕至是復以昞小子紹封乃特恩也胡三省謂

未及立嗣國有大喪今乃紹封誤矣若例得襲封卽于章和

元年嗣位雖國有大喪何必遲至三年之久邪

遣副校尉閻磐討北匈奴 磐當作贍聞本有注云贍音力公

反汲古閣本脫此注竇憲傳作盤西域傳作槃竝誤

取伊吾廬地 永平十六年畱兵屯伊吾廬建初二年爲北匈

奴所據至是仍取之也

三年正月甲子 續志云正月甲子若丙子爲吉日可加元服  
皇帝加元服 是時冠禮蓋卽用曹褒新禮故擢褒爲羽林左  
監

尊太后母比陽公主爲長公主 漢制皇女皆封縣公主儀服

同列侯其尊崇者加號長公主儀服同蕃王其後安帝桓帝  
妹亦封長公主今尊東海恭王彊女爲長公主因皇太后母

故特尊崇之

注廟記云曹參冢在長陵旁道北 廟闕本作廣

復置戊己校尉官 此時復置從馮豹之請也校尉領兵五百

人居軍師前部高昌壁

四年注東觀記曰賜玉具劍 匈奴傳作玉劍四具

後漢書辨疑卷二

七 廣雅書局宋

武陵零陵澧中蠻叛 案武陵澧中蠻零陵澧中蠻也單舉澧

中似脫澧中

詔以勃海郡屬冀州 勃海故屬幽州今改屬

七年度遼將軍朱徽 此度遼將軍上亦當有行字

易陽地裂 易陽屬趙國

八年自死罪已下至司寇 閩本司寇下有作字

九年及揮國重譯奉貢 揮國王名雍由調

注蓋字君玉 案魯恭傳注引漢官儀作君上

十年復置虞儀官 續志掌祭祀犧牲雁鶩之屬屬河南尹

十三年及條枝大爵 西域傳云條支大爵其卵如甕

十四年徙金城西部都尉以戍之 案建武六年罷郡國都尉

官并職太守金城是邊郡故仍置之

初置象林將兵長史官 時象林蠻夷反叛初平故置之

十五年疾病加至醫藥 至閩本作致

復置涿郡故鹽鐵官 鹽當作安地理志涿郡有鐵官而無鹽

官郡國志注有鐵官于故安下劉昭曰案本紀永元十五年

復置是故安之爲故鹽流俗人妄改也閩本亦誤

是秋四州雨水 四州充豫徐冀也

是歲初合郡國以日北至案薄刑 舊制至立秋乃行薄刑自

永元十五年後改用孟夏和帝末下令麥秋得案驗薄刑而

州郡好以苛察爲政因此遂盛夏斷獄見魯恭傳

十六年方察煩苛之吏顯明其罰 罰閩本作罪

後漢書辨疑卷二

元興元年高句驪寇郡界 入遼東寇略六縣

遼東太守耿夔擊貊人破之 貊人卽高句驪也耿夔傳亦作

貊人說詳光武紀

舊南海獻龍眼荔支 本艸龍眼一名益智圖經云似荔支而

葉微小凌冬不凋唐愐微經史證類備用本草以龍眼荔支

爲二物

殤帝紀

孝殤皇帝諱隆 御覽九十一引東觀漢記云和帝皇子數十

生者輒夭故殤帝養於民

延平元年朕且權佐助聽政 閩本權下有禮字

其減太官導官尙方內署諸服御珍膳靡麗難成之物 內署

當作內者注亦誤續志少府屬官有內者合一人六百石左  
石丞各二人注云掌中布張諸衣物舊時太官湯官經用歲  
且二萬萬和熹鄧太后敕止日殺省珍費自是裁數千萬及  
郡國所貢皆減其過半

安帝紀

和帝稱之 閩本和帝下有常字

鄧太后特詔畱帝清河邸 帝下閩本有子字

孝章帝世嫡皇孫 孝章下閩本有皇字

清河王薨 清河王慶不名殆以帝父之故然勃海王鴻質帝  
之父仍稱名疑此脫慶字

永初元年蜀郡徼外羌內屬 案青衣道夷令由與徼外三種

後漢書辨疑卷二

九 廣雅書局

夷舉土內屬又龍橋等六種萬七千餘口內屬

以廣成游獵地及被災郡國公田假與貧民 從太傅張禹及  
御史中丞樊準之請也

永昌徼外僬僿種夷貢獻內屬 王名陸類獻象牙水牛封牛

九真徼外夜郎蠻夷舉土內屬 開境千八百四十里

河東地陷 續漢書曰河東楊地陷東西百四十步南北百二

十步深三丈五尺

倭國遣使奉獻 倭國王帥升等獻生口百六十人願請見

二年爲種羌所敗于冀西 西羌傳作鍾羌

遣光祿大夫樊準呂倉 時樊準爲御史中丞因奉詔出使故

守光祿大夫



蜀郡徼外羌舉土內屬 薄申等八種三萬六千餘口內屬  
三年四月丙寅大鴻臚九江夏勤爲司徒 禮儀志注引丁孚  
漢儀有夏勤策文云維元初六年三月甲子制詔以大鴻臚  
勤爲司徒曰朕承天序惟稽古建爾于位爲尊輔往率舊職  
敬敷五教五教在寬左右朕躬宣力四表保乂皇家於戲實  
惟秉國之均旁祇厥緒時亮天工可不慎與勤而戒之據此  
則夏勤之由大鴻臚爲司徒非永初三年四月丙寅也疑史  
家之誤

海賊張伯路等 陳忠傳作勃海賊

四年度遼將軍梁懂 度遼上脫行字說見和帝紀

注凡諸子百六十九家 六當作八閩本不誤

後漢書辨疑卷二

十

廣雅書局藏

先零羌寇寢中 先零西羌傳作滇零先零部落也滇零人名

也

郡國九地震 九續志作四

五年郡國十二地震 續志無二字

夫餘夷犯塞 步騎七八千寇鈔樂浪

六年太常劉凱爲司空 凱當作愷

七年注周禮司職曰 司下脫巫字南監本有巫字

元初元年先零羌敗涼州刺史皮陽 西羌傳作皮楊廣韻皮

姓出下邳案前書儒林傳有琅邪皮容

十一月是歲郡國十五地震 十一月下有脫字

二年洛陽新城地震裂 續漢書無震字

右扶風仲光 風俗通云凡氏于字伯仲叔季是也湯左相有

仲虺見廣韻

郡國地震 郡國下脫十字續志及閩本並不脫

三年東平陸上言木連理注序例曰凡瑞應自和帝以上政事多美近于有實故書見於某處自安帝以下王道衰缺容或虛飾故書某處上言也 案序例之說亦未盡然桓帝紀建和元年芝草生中藏府二年嘉禾生大司農帑藏永壽元年白鳥見齊國延熹八年南宮嘉德署黃龍見濟陰東郡濟北河水清九年濟陰東郡濟北平原河水清桓帝政事有何可美而不書上言皆自亂其例

三月辛亥日有食之 月之二日也是月庚戌朔

後漢書辨疑卷二

十一

廣雅書局集

越舊徼外夷舉種內屬 大羊等八種

初聽大臣二千石刺史行三年喪 劉愷傳云舊制公卿二千石刺史不得行三年喪由是內外眾職並廢喪禮元初中鄧太后詔長吏以下不爲親行服者不得典城選舉陳忠因上言孝宣帝舊令人從軍屯及給事縣官者大父母死未滿三月皆勿徭令得葬送請依此制太后從其言宦豎不便之建光元年從尚書令祝諷尚書孟布等議復斷大臣二千石以上服三年喪

四年二月乙卯大赦天下壬戌武庫災 據五行志武庫災在是年十月八日壬戌二月是乙亥朔其月不得有乙卯壬戌 蔚宗誤矣

三郡兩電 續志云大如杆杯及雞子殺六畜

方今案比之時 案周禮小司徒掌九比之數以辨貴賤老幼廢疾凡征役之施舍乃頒比法于六鄉及三年則大比鄉大夫以歲時登其夫家之眾寡辨其可任者而征之其舍者則貴者賢者能者服公事者老者疾者以歲時入其書鄭司農云九比者九夫爲井五家爲比故以比爲名今八月案比是也

六年鮮卑寇馬城 馬城疑卽馬邑屬雁門郡

永寧元年六月沈氏種羌叛寇張掖 案三月中已書沈氏羌寇張掖矣此沈氏以下八字重出

永昌徼外擲國遣使貢獻 擲國王卽雍由調也獻樂及幻人

能變化吐火自支解易牛馬頭

夫餘王遣子詣闕貢獻 夫餘王子名尉仇台

建光元年幽州刺史馮煥率二郡太守討高句驪 煥傳作煥二郡太守玄菟太守姚光遼東太守蔡諷也

鮮卑圍烏桓校尉與馬城 與當作于

冬十一月己丑郡國三十五地震 續志作九月

鮮卑寇玄菟 案是年秋寇玄菟者句驪與馬韓滅貊也見東夷傳此紀以爲鮮卑誤也鮮卑傳無此事

延光元年虔人羌叛攻穀羅城 續志西河無穀羅縣前志有之蓋後來并省而此時尙未省也

九月甲戌郡國二十七地震 甲戌續志作戊申

是歲虔人羌反攻穀羅城度遼將軍耿夔討破之 虔人羌以  
下十七字重出闕本亦誤

二年京師及郡國三地震 續志作京都郡國三十二地震

三年初復右校令左校丞官 據百官志當云初復左右校令

丞官此誤

四年祠定王節侯鬱林府君 南頓君廟在濟陽故不與焉而

鉅鹿府君何以獨遺之或轉寫偶脫耳

東海王肅薨 光武曾孫靖王政之子也

後漢書辨疑卷二終 南海潘乃成番禺陳慶修鄭權金俊基校字

後漢書辨疑卷二

十三

廣雅書局印

後漢書辨疑卷三

嘉定錢大昭撰

順帝紀

永建元年爲父後三老孝弟力田三級 力田下閭本有人字  
年老劣弱不任單事者上名 單閭本作軍

四年帝加元服 案和安桓三帝皆云皇帝加元服此亦當有  
皇字

六年注及擢國王雍田 雍田西南夷傳作雍由調

陽嘉元年初令郡國舉孝廉限年四十以上 是時左雄奏請  
自今孝廉年不滿四十不得察舉皆先詣公府諸生試家法  
文吏課箋奏有不承科令者正其罪法若有茂才異行自可

後漢書辨疑卷三

不拘年齒帝從其議

東平王敞薨 敞光武曾孫懷王忠之子也

復置玄菟郡屯田六郡 六郡當從東夷傳作六部

二年復置隴西南部都尉官 案馬防傳云建初二年羌豪布  
橋等圍南部都尉于臨洮則肅宗時有此官也此云復置則  
不知廢于何時

洛陽地陷 續漢書云洛陽宣德亭地圻長八十五丈近郊地  
大鴻臚沛國施延爲太傅 太傅當作太尉

四年初聽中官得以養子爲後世襲封爵 順帝登極皆中官  
之力故加恩于宦者獨優嗣後貂璫之徒固寵乘權政令于  
是乎出魏武因之至遷九鼎史家特書此以著履霜堅冰之

戒

梁王匡薨 匡明帝曾孫恭王堅之子也

濟北王登薨 登章帝孫惠王壽之子也

永和元年偃師蝗 偃師屬河南尹

十月丁亥承福殿火 丁亥五行志作丁未

二年北海王翼薨 翼靖王興之元孫頃王普之子也

四月丙申京師地震 丙申續志作庚申

三年殺江都長 江都屬廣陵郡

率眾詣徐州刺史應志降注志曾祖父順 案應奉亦是順之

曾孫是應志與應奉為昆弟也

琅邪王遵薨 遵光武子孝王京之曾孫也本傳及安帝紀俱

後漢書辨疑卷三

作尊

濟北王多薨 多章帝孫節王登之子也

四年封故濟北惠王壽子安為濟北王 安本傳作安國

五年中山王弘薨 弘光武子簡王焉之孫也

六年河間王政薨 政章帝孫孝王開之子也

太僕趙戒為司空注戒字志伯 案志伯乙瑛碑作意伯避桓

帝名

齊王無忌薨 無忌哀王章曾孫王晃之子也

漢安元年遣侍中杜喬光祿大夫周舉守光祿大夫郭遵馮羨

欒巴張綱周栩劉班等八人分行州郡班宣風化 遵兖州

刺史羨前青州刺史巴尚書綱侍御史班太尉長史八人皆

耆儒知名

二年遣詣臨羌縣居作二歲 臨羌屬金城郡

趙冲擊燒當羌于阿陽 阿陽監本作河陽誤

建康元年沛王廣薨 廣光武玄孫節王正之子也

清和王延平薨 延平章帝曾孫懸王虎威之子也

冲帝紀

常山王儀薨 明帝曾孫靖王章之子也

永嘉元年 史繩祖學齋佔畢云清熙二年邛州蒲江縣上乘

院僧增築大殿闢地得封石有文云永嘉元年二月十二日

蜀郡臨邛漢安鄉安定里公乘校官掾王幽字珍儒凡二十

九字以爲卽冲帝紀元今本作嘉字之誤也今案左雄傳中

後漢書辨疑卷三

三

廣雅書局印

有迄于永嘉察選清平之文熹卽熹之譌此作永嘉誤也

質帝紀

廣陵賊攻殺堂邑江都長 堂邑當稱令費鳳碑鍾離意傳並

云堂邑令

九江賊攻殺曲陽東城長 案東陽縣前志本屬九江郡建初

元年以東城益下邳國今云九江者或國王以過見削仍隸

九江也

彭城王道薨 道明帝孫靖王恭之子也

濟北王安薨 安傳作安國章帝孫惠王壽之子也

憲陵次泰陵 泰當作恭恭陵安帝陵也

阜陵王代薨 代光武玄孫

廬江盜賊攻尋陽又攻盱台 尋陽縣屬廬江郡盱台縣屬下  
邳國

桓帝紀

以玉青蓋車 玉當作王注亦誤

太后猶臨朝政 猶臨者不必臨也

齊王喜薨 哀王章立孫惠王無忌子也

建和元年比起陵塋殄歷時歲 殄閩本作彌

注以順帝陽嘉中封敎爲道亭侯 敎爲二字當乙閩本亦誤

芝草生中黃藏府 續志少府屬官有中藏府令一人六百石

丞一人本注云掌中幣帛金銀諸貨物此云中黃疑衍黃字

注亦誤

後漢書辨疑卷三

四

廣雅書局

大司農杜喬爲太尉 案杜喬傳喬由大司農遷大鴻臚光祿

勳然後爲太尉此以爲由大司農遷疑本紀誤也

二年四姓及梁鄧小侯 永平九年本初元年並言四姓小侯

至是增入梁鄧矣

三年彭城王定薨 定明帝曾孫

和平元年近慕先姑歸授之法 先姑謂安思閭后也閭后貪

立幼主久專國政北鄉早夭又欲徵立藩輔迫順帝卽位退

處離宮迫於勢之不得已耳以云歸授難矣哉梁后正月授

政二月卽崩實因病劇不能臨朝耳非眞欲效復子明辟也

元嘉元年河間王建薨 章帝曾孫惠王政之子

安平王得薨 明帝六世孫



武陵蠻叛 詹山等四千餘人

任城王崇薨 東平憲王曾孫任城貞王子也

二年常山王豹薨 明帝玄孫頃王儀子

永興元年三月丁亥幸鴻池 是月丙子朔丁亥十二日

濟南王廣薨 光武玄孫釐王顯之子也

詔在所賑給乏絕 在所聞本作所在

二年初聽刺史二千石行三年喪服 此制安帝元初中已行

之而建光中復斷之謂孝文皇帝定約禮之制光武皇帝絕

告盜之典貽則萬世誠不可改宜復建武故事也至是時從

司空掾趙岐之請仍復行之故又言初聽耳未及四年而復

斷之宦豎乘權朝更莫改但取勢位利祿而已又安知三年

之愛于其父母乎

永壽二年東海王臻薨 臻光武玄孫頃王肅子

三年初以小黃門爲守宮令 小黃門宦者爲之守宮令主御

紙筆墨及尙書財用諸物

注縣名屬長沙郡 郡當作國

延熹元年分中山置博陵郡以奉孝崇皇園陵 案博陵有安

國蠡吾安平高陽南深澤信都等縣蓋分中山安平河間所

置不獨分中山也何以知之劉祐傳云祐中山安國人也安

國後別屬博陵隸釋靈臺碑有博陵蠡吾管遵又博陵太守

孔彪碑陰有博陵安平六人博陵安國三人博陵高陽一人

博陵南深澤二人俱故吏案續志安國蠡吾屬中山安平南

後漢書辨疑卷三

五

廣雅書局

深澤信都屬安平高陽屬河間也王氏取子說以入商權而誤以爲獻之說獻之于東漢無著述

二年阜陵王便薨 便傳作便親光武玄孫也節王代之兄

屯騎校尉梁驥 驥閩本作讓傳亦作讓

三年太常虞放爲司空 案虞延傳放以尙書爲司空

武陵蠻寇江陵車騎將軍馮緄討皆降散 案馮緄爲車騎將

軍本紀列傳馮緄碑及度尙傳皆在延熹五年是年書車騎

將軍云云蔚宗誤矣南蠻傳亦誤

四年注永壽三年置 據本紀三當作二

益州刺史山昱 廣韻山姓周有山師之官掌山林後以官爲

氏或云古烈山氏之後大昭案王莽傳云封山遵爲襲謀子

後漢書辨疑卷三

六

奉臯陶後是山姓爲臯陶苗裔也

五年濟北王次薨 次章帝曾孫釐王安國之子也

滇那羌寇武威張掖酒泉 案皇甫規招降之

七年沛王榮薨 榮光武六世孫孝王廣之子

梁王成薨 成明帝曾孫恭王堅之子

趙王乾薨 孝王良玄孫靖王宏之子

野王山上有死龍 案襄楷傳云七年六月十三日河內野王

山上有龍死長可數十丈續漢書作六月壬子此云七月似

誤

八年護羌校尉段熲擊罕姐羌 罕姐閩本作勒姐

永康元年阜陵王統薨 統光武六世孫恭王便親之子

靈帝紀

建寧元年四月戊辰太尉周景薨 案史晨後碑云建寧元年

四月十一日戊子到官據此則是月戊寅朔不得有戊辰本紀誤

大鴻臚許栩爲司空 案魏志和洽傳注引汝南先賢傳稱栩

沈沒樂利官以賄成

三年執金吾董寵下獄死 坐矯稱永樂官屬請

鬱林烏潯民相率內屬 開置七縣

四年帝加元服 帝上當有皇字說見順帝紀

河東地裂 續志云地裂十二處合長十里百七十步廣者三

十餘步深不見底

後漢書辨疑卷三

七

七月癸丑立貴人宋氏爲皇后 禮儀志注云維建寧四年七

月乙未制詔皇后之尊與帝齊體供奉天地祇承宗廟母臨

天下故有莘興殷姜任母周二代之隆蓋有內德長秋宮闕

中宮曠位宋貴人秉淑媛之懿體山河之儀威容照曜德冠

後庭羣寮所咨僉曰宜哉卜之著龜卦得承乾有司奏議宜

稱絳組以臨兆民今使太尉龔使持節奉璽綬宗正祖爲副

立貴人爲皇后其往踐爾位敬宗禮典肅填中饋無替朕命

永終天祿據此策文則宋后之立是乙未非癸丑也而聞人

龔之太尉亦非罷于三月矣疑本紀誤

熹平元年會稽人許生自稱越王寇郡縣 吳志孫破虜傳云

會稽妖賊許昌起于句章自稱陽明皇帝與其子韶扇動諸

縣與此小異與東觀記亦不同

四年注並無鹽今蒲州安邑縣西南有鹽城監也 案監字當在上文無鹽之下閩本不誤

六年十月癸丑朔日有食之辛丑京師地震辛亥令天下繫囚罪未決入縑贖 癸丑續志作癸酉按依本紀十月爲癸丑朔則是月不得有辛丑辛亥依續志爲癸酉朔則是月可以有辛丑而辛亥終當在下月也紀疑有誤

光和二年東平王瑞薨 瑞當作端閩本不誤光武玄孫孝王做之子也

三年詔公卿舉能通尚書毛詩左氏穀梁春秋各一人悉除議郎 案儒林傳云建初中詔高才生受古文尚書毛詩穀梁

後漢書辨疑卷三

八 廣雅書同某

左氏春秋雖不立學官然皆擢高第爲講郎章帝紀同據此則尚書上脫古文二字

六年冬東海東萊琅邪井中冰厚尺餘 東海五行志作北海中平元年安平王續有罪誅 續本傳作績

二年太僕河南張延爲太尉 案延河內脩武人此作河南誤三年江夏兵趙慈反殺南陽太守秦頡 案羊續傳云攻沒六

縣續爲南陽太守討平之

五年注瀆于瓊于右校尉 何進傳作佐軍校尉

六年注董重皇后之弟子也 陳景雲曰皇后上脫孝仁二字據皇后紀當云兄子注弟字亦誤

甘陵王忠薨 忠章帝八世孫貞王定之子

獻帝紀

注靈帝建元四年改平準為中準 建元當作熹平

初平三年太僕魯旭 旭魯恭傳作道

四年扶風大風雨雹 五行志云雹如斗

琅邪王容薨 容光武七世孫安王據之子

興平元年分安定扶風為新平郡 袁山松曰分安定之鶉觚

右扶風之漆

二年少府田芬 五行志作田邠

建安五年十月東海王祗薨 案孔融傳云五年南陽王馮東

海王祗薨帝傷其早歿欲為修四時之祭融曰聖恩敦睦感

時增思悼二王之靈發哀愍之詔臣愚以為諸在冲飢聖慈

後漢書辨疑卷三

九

廣雅書局

哀悼禮同成人加以號諭者宜稱上恩至一歲之限不合禮

意章懷注以為二王竝獻帝子也今本紀建安五年七月立

皇子馮為南陽王壬午南陽王馮薨十月東海王祗薨子初

疑紀內止漏書立東海王祗事 東海王之立亦宜在七月 及檢東海恭王

彊傳云孝王臻薨子懿王祗嗣祗立四十四年薨子羨嗣二

十年魏受禪以為崇德侯祗之嗣位在承壽二年至建安五

年恰四十四年孝王之子未必名祗蔚宗見獻帝紀有東海

王祗薨之句遂認為東海恭王之後故以名與年數配合相

符巧為彌縫也獻帝子封東海王者有二人祗薨之後建安

十七年又以東海封皇子敦敦于魏禪之後降為列侯蓋光

武十王傳所云傳至魏禪降為崇德侯者殊未可信中間必

有廢絕國除之事故以別封若恭王之國尚存不應以之封皇子祇又以封皇子敦也

七年袁紹薨 袁術僭稱故書死紹未改臣節故稱薨

十一年濟北北海阜陵下邳常山甘陵濟陰平原八國皆除

攷諸王傳齊王承北海康王失其名阜陵王赦下邳哀王宜常

山王曷甘陵獻王忠濟北王政平原王碩此八王皆于建安

十一年國除汲古閣本有濟北而無齊閩本有齊而無濟北

兩本俱有濟陰皆誤也是時無濟陰國此濟北當從閩本作

齊下濟陰當作濟北

十六年趙王赦薨 孝王良七世孫

皇后紀上

後漢書辨疑卷三

十

爵列九品 九文選作八

眞定臺人也 地理志眞定國有臺城縣郭后居臺縣之漆甲

見劉植傳蓋中興省城字

帝善況小心謹慎 善閩本作美

迎后與胡陽寧平主諸宮人 胡陽卽湖陽公主光武姊也寧

平公主光武妹

及教授諸小王論語經書 諸小王年幼未封爲王亦四姓小

侯之類也

勳尙東海恭王彊女泚陽公主 泚當作泚下同

太后愍陰氏之罪廢赦其徙者歸鄉赦還資財五百餘萬 案

赦歸鄉還資財云云已見陰后紀矣此又複見

元初五年平望侯劉毅 毅北海敬王子建初二年封永元中  
坐事失侯此當云故平望侯

皇后紀下

詐遣司徒劉喜 喜當作憲

注善文曰暉字伯周 陳景雲曰善文書名陶靖節聖賢羣輔

錄亦引之但作者姓名無攷耳隋經籍志不載此書

詔安平王豹河間王建 豹疑當作績

立七年葬在北邙 在閩本作于

立解犢侯宏是為靈帝 犢下脫亭字本紀作解犢亭侯

注黃門之秩六百石 之當作令

改葬文昭陵儀比敬恭二陵 陳景雲曰謂如恭懷梁后葬敬

後漢書辨疑卷三

西陵恭愍李后葬敬北陵之禮不言西北者省文耳注非

注王后年六宮之人 年當作率

注夫人天下分居后之六宮者 天字當作以

操追大怒 閩本無追字

其餘皇帝之庶母 皇閩本作惟南監本同

注耿弇曾孫侍中良尚漢陽公主 案漢陽公主誤當從傳作

濮陽長公主

建武十五年封武陽長公主 武陽二字誤章德竇后紀及鄧

訓傳竝作舞陰長公主

世祖五女 案竇融長子穆尚內黃公主內黃縣名當是縣公

主亦光武女也此又在五女之外矣

皇女致三年封沁水公主 五行志作長公主

皇女小姬十二年封平皋公主 鄧禹傳作長公主

適軼侯黃門侍郎王度 王霸傳作軼侯注云屬江夏此作軼

注音伏皆誤

封平邑公主適黃門侍郎馮由 案馮由馮勤孫也馮勤傳作

平安公主章懷引東觀記云安平案平安屬廣陵郡

注完伏湛五世孫 案伏后紀云后大司徒湛之八世孫也父

完尙陽安長公主據此則完是湛七世孫注誤

靈帝三女 三當作一

案后紀所未載之公主內黃公主適竇穆當是光武女兒

竇融傳章帝時有新平主家御者失火見馬后紀東觀記

後漢書辨疑卷三

十一

竇融傳章帝時有新平主家御者失火見馬后紀東觀記

伏湛曾孫晨尙高平公主見伏湛傳注此二主不知何帝

之女

後漢書辨疑卷三終

南海潘乃成番禺陳慶修鄭權金俊基校字



後漢書辨疑卷四

嘉定錢大昭撰

劉聖公傳

共攻離鄉聚 郡國志注有離鄉聚在江夏郡南新市

餘皆九卿將軍 案九卿將軍者如光武爲太常偏將軍王常

爲廷尉大將軍與王莽之納言將軍秩宗將軍相類

五威中郎將李軼爲舞陽王 光武紀馮異耿純傳並作舞陰

王

遣李松會朱鮪與赤眉戰于務鄉 說文務毒艸也注引字林

以爲毒艸則字當从艸从務若作務則是卷耳艸矣續志作

務鄉在恆農縣

後漢書辨疑卷四

劉盆子傳

祖父憲元帝時封爲式侯 憲城陽荒王子

宰論殺之 王莽改縣令長爲宰故稱宰

及前西安侯劉孝最爲近 前書王子侯表城陽王後有要安

侯無西安侯

諸三老從事皆大會陛下 赤眉樊崇初起兵自號三老後分

萬人爲一營凡三十營營置三老從事各一人故云諸也

自楊音以下皆爲列卿軍 案列卿下當有將字劉聖公傳亦

云餘皆九卿將軍也楊音之列卿爲大司農

自更始敗後幽閉殿門 門當作內

注言佼佼者見傭之人稍爲勝也 見當作凡

澗社稷汧井竈 汧當作汧

王昌傳

識命者郎中李曼卿 東觀記知命者謂侍郎韓公等

南嶽諸劉爲其先驅 莽始建國元年分四方爲四嶽故有南

嶽之稱猶云南方耳 隗囂傳云威命四布宣風中岳與此同

意諸劉謂嚴鄉侯信安眾侯崇徐鄉侯快陵鄉侯曾扶恩侯

貴等亦不專指聖公光武疑注誤

光武自薊得郎檄 檄謂王郎移檄購光武十萬戶

劉永傳

茂遂反殺淮陽太守 太守姓潘名蹇

四年秋遣捕虜將軍馬武騎都尉王霸圍紆建于垂惠 案本

後漢書辨疑卷四

紀及王霸傳俱作偏將軍此云騎都尉疑誤

時平狄將軍龐萌反叛 蓋延傳作平敵將軍

自號東平王屯桃鄉之北 郡國志任城縣有桃聚注云光武

破龐萌於桃鄉

悉其兵數萬人屯昌慮 昌慮屬東海郡

步騎數千人屯建陽 地理志東海有建陽縣中興省

迎憲入剡城吳漢等復攻拔剡 剡皆當作郟郟東海縣

張步傳

建武三年光武遣光祿大夫伏隆持節使齊 案伏隆使齊傳

在二年冬此云三年疑誤

與弟弘蘭欲招其故眾 案上文及耿弇傳俱作藍此蘭字疑

誤

李憲傳

李憲者潁川許昌人也 許昌本許縣獻帝徙都加昌字疑衍

昌字

彭寵傳

地皇中為大司空事 事當作士隗囂為國師劉歆士是也南

監本不誤

盧芳傳

王莽末乃與三水屬國羌胡起兵 時安定屬國都尉治三水

縣故言三水屬國耳

雲中太守橋扈 本紀作喬扈

後漢書辨疑卷四

三

廣雅書局印本

初安國屬國胡與芳為寇 安國疑當作安定郡國志安定無

屬國然光武紀建武二十一年安定屬國胡叛桓帝紀永壽

元年南匈奴叛安定屬國都尉張奐討之又隸釋劉寬碑陰

有安定屬國都尉孟扶據此則東京有安定屬國也南監本

不誤

注今秦州奉羌縣 奉羌閩本作伏羌

隗囂傳

偽作符書 作閩本作詐

注朱光世曰南山之竹 光世當作安世

由此名震西川 川當作州冪自稱西州上將軍

于是禹承制遣使持節命冪為西州大將軍得專制涼州朔方

事 案是時禹以前將軍遣西入關令自選偏裨以下蓋許  
其便宜從事故承制拜囂爲大將軍又承制拜李文爲河東  
太守悉更置屬縣令長也

注今原州平原縣南有涇陽故城 平原當作平高

黥布以劍以歸漢 以劍當作杖劍

囂將妻子奔西城 西城卽西縣故屬隴西續漢書屬漢陽郡  
注以西城爲縣名誤

公孫述傳

述遂使將軍侯丹開白水關 水經注白水出隴西臨洮縣西  
南西傾山東南流入陰平又東南逕廣漢白水縣臨洮與西  
縣接界故天水之西縣有白水關而廣漢之白水縣亦有白

後漢書辨疑卷四

四

廣雅書同林

水關自源徂流同一白水也其故關城在唐梁州金牛縣西  
三年征西將軍馮異擊鮪育于陳倉大敗之鮪育奔漢中 此  
事本紀及馮異傳俱在建武四年此作三年誤案馮異傳云  
公孫述遣將程焉將數萬人就呂鮪出屯陳倉異與趙匡擊  
破之焉退走漢川異追擊于箕谷復破之還擊破呂鮪營保  
據此則陳倉之敗漢中之奔皆程焉與李育也故異還而復  
破呂鮪此言鮪育亦誤

一姓不得再受命 陳景雲曰一姓不再命尙書帝命驗之文

見詩文王正義

喟然自以爲武王復出也 武王當作文王

使西州豪傑咸居心于山東 居心閩本作歸心

破虜將軍馮駿等 破字上脫擊字破字下脫威字當從岑彭傳作擊破威虜將軍馮駿等

齊武王續傳

注比陽縣有藍鄉 比陽當作棘陽

南渡潢泗水 潢當作黃下同

注蕭該音泗水諄者誤 案水當為作南監本不誤

臨泚水 泚當作泚

至宜秋注宜秋聚名在泚陽縣 郡國志宜秋聚在平氏縣

皆畫伯升像於塾旦起射之注塾東觀記續漢書竝作埽 案

塾字說文新附古用埽

注魯陽縣屬南郡 南郡當作南陽郡

後漢書辨疑卷四

五

十一年徙章為齊王十五年追諡伯升為齊武王 案本紀建

武十三年章降為齊公興降為魯公十五年追諡兄伯升為

齊武公仲為魯哀公此云十一年誤當作十三年伯升及仲

追諡竝當從本紀作武公哀公

論豈游俠下客之為哉 陳景雲曰下客謂折節下士也注非

北海靖王興傳

追諡仲為魯哀王 王當作公說見于上

注臨邑縣屬東海 東海當作東郡

與詣者僕射劉珍 詣當作謁

趙孝王良傳

十三年降為趙公 本紀建武十九年進趙國公爵為王傳失

載進爵事則下文子節王栩嗣句無根

城陽恭王祉傳

注留子男昌不賁墓 案不賁當是守墳二字之譌南監本不

誤

泗水王歛傳

又奉終子鳳曲陽侯 奉當作封南監本不誤

茂自號劉失職 失閩本作先

更封茂為穰侯 本紀作單父侯

注朝陽縣屬南郡 南郡當作南陽郡

浮弟尚永平中為征西將軍 案劉尚永元元年以中郎將為

車騎將軍九年行征西將軍此作永平誤也

後漢書辨疑卷四

六

廣雅書局刊本

安成孝侯賜傳

同拋財產 拋非古字古作抱史記三代世表云抱之山中注

音普茅反是也班勇傳今不廓開朝廷之德而抱屯戍之費

義亦同拋隸變而譌為拋爾

注蔡陽國金亭侯長醉詢更始父子張 陳景雲曰詢當作詢

玉篇詢罵也

近更始妻子將詣洛陽 近當作迎

時幸其弟 弟古第字

帝復封閩弟嵩為白牛侯 閩福建本作閩下同

成武孝侯順傳

因拜為六安太守 六安本王國莽篡國除為郡故有太守

坐與諸王交通降爲端氏侯 端氏縣名既是降封必非縣侯矣端氏下疑脫一字

注潁川潁王縣西北有甘城 案續志潁川有潁陽潁陰無潁

王監本作潁上當從之

順陽懷侯嘉傳

爲更始柱功侯李實所破 實當作竇下文及鄧禹傳俱作竇

李通傳

會光武避事在宛 陳景雲曰按它處皆作避吏此因相似而

誤

注掘上手得半亩刀 掘當從閩本作握

共語移曰掘手極歡 掘閩本作握

後漢書辨疑卷四

捕虜將軍王霸等十營 捕虜馬武也此當作討虜

注順陽縣屬南郡 南郡當作南陽郡

素有消疾 案消疾與司馬相如消渴病同所謂消中之疾也

若周官瘠首疾乃四時疫癘之疾章懷合瘠首消中爲一非

是

注安眾侯劉崇與宗人討莽有功 陳景雲曰崇當作寵據前

表安眾侯崇居攝元年舉兵爲王莽所滅建武二年以崇從

父弟寵紹封蓋崇死於莽未篡漢之先安得身佐中興乎此

必傳寫之誤

王常傳

潁川舞陰也 陰當作陽

此所以祐吾屬也 此字下通鑑有天字

來欵傳

囂遂遣子恂遂欵入質 遂欵當作隨欵

從番須回中徑至洛陽 洛陽當作略陽

注心腹已壞則制其支體也 支體下脫易字

于是置酒高會勞賜欵班坐絕席在諸將之右 案王常爲橫

野大將軍位次亦與諸將絕席馬防貴寵最盛與九卿絕席

梁冀傳每朝會與三公絕席張禹傳每朝見特贊與三公絕

席皆所以尊顯之

高帝重之以懸賞 當從閩本作高帝懸之以重賞

欵乃伏脩攻具 伏閩本作大

後漢書辨疑卷四

故改汝南之當鄉縣爲征羌國焉 案地理志汝南無當鄉縣

水經注云征羌故邵陵縣之安陵鄉安陵亭也續漢志召陵

有安陵鄉征羌侯國有安陵亭並不言故當鄉據此則酈氏

似得其實傳以爲當鄉縣疑誤

來歷傳

聖及其女永 案王聖女順帝紀泗水王傳及宦者傳並作伯

榮此獨作永與彼不同

論王常知命功惟帝念 案常傳光武勞之曰王廷尉甚苦每

念往時共更艱難何日忘之故云功惟帝念也注誤

鄧禹傳

注上率禹等擊王郎橫野將軍劉發 發閩本作奉



百姓不親五品不訓 訓古文尙書作憇今文作訓說文憇順也引書曰五品不憇周頌烈文云四方其訓之春秋左氏傳引作四方其順之史記魯世家云宣王伐魯殺其君伯御而問魯公子能道順諸侯者徐廣曰順一作訓張守節曰順音訓漢書敘傳云實棗謀而相順文選順作訓是訓與憇順同義順與訓同音也

情遂殺敵因反擊禹 據隗囂傳情叛在二年此在元年

康以太后久臨朝政<sub>至</sub>遂免康官遣歸國絕屬籍 案此事凡

百三十餘言已見鄧后紀不必複載

鄧訓傳

先欲脅月氏胡 據上文則月氏上當有小字

後漢書辨疑卷四

九

廣雅書局叢

燒當豪帥東號稽顙歸死 東號東吾子也

鄧騭傳

時遭元二之災注元二卽元元也 案隸釋云予按漢刻如北海相景君及李翊夫人碑之類凡重文皆以小二字贅其下

非若司隸校尉楊孟文石門頌之中遭元二西夷殘虐遂書爲大二字也又孔耿碑云遭元二轍軻人民相食若作元元

則下文不應又言人民漢注之非明矣王充論衡云今上嗣位元二之間嘉德布流三年零陵生芝艸四年甘露降五年

芝復生六年黃龍見章帝紀所書建初三年以後龍芝甘露之瑞皆同則論衡所云元二者蓋謂卽位之元年二月也鄧

君傳所云元二者亦謂元年二年也安帝紀書兩年之間萬

民飢流羌貊叛戾又與傳同楊孟文碑所云西戎虐殘橋梁斷絕正是鄧騭出師時史傳碑碣皆與論衡合建初者章帝之始年永初者安帝之始年乃知東漢之文所謂元二者如此

取廢帝故事謀立平原王得 得疑當爲翼

注況其後嗣乎 閩本此句下有事見古史考五字

寇恂傳

後徙封損扶柳侯 案水經注長蘆水又東逕扶都縣故城南

建武三十年封寇恂子楫爲侯國此作損彼作楫此作扶柳彼作扶都未知孰是

馮異傳

後漢書辨疑卷四

十

廣雅書局藏本

異因薦邑子鈿期叔壽 鈿期與異皆潁川人故云邑子叔壽

後爲破虜大將軍

禹得脫歸宜陽 獨以二十四騎還

餘眾尙十餘萬東走宜陽 案劉盆子傳云光武敕諸將曰賊若東走可引宜陽兵會新安賊若南走可引新安兵會宜陽是宜陽在關以南也本紀云餘眾南向宜陽劉盆子傳亦云赤眉遂出關南向此作東走非也

始雖垂翅回谿終能奮翼鼂池 東觀記云馮異字公孫拜爲

征西將軍與赤眉相距上命諸將士屯鼂池爲赤眉所乘反走上回谿阪異復合兵追擊大破之殺底璽書勞異曰垂翅回谿奮翼鼂池見文選西征賦注

駱蓋延據蓋屋 蓋字疑衍

公孫述遣將程焉 程焉本紀同公孫述傳焉作烏

將數萬人就呂鮪 呂鮪隗囂傳同公孫述傳呂作李

願君無忘射鉤 論衡吉驗篇云齊襄公之難桓公為公子與

子糾爭立管仲輔子糾鮑叔佐桓公管仲與桓公爭引弓射

之中其帶鉤夫人身長七尺帶約其要鉤挂于帶在身所掩

不過一寸之內既微小難中又滑澤銛靡鋒刃中鉤者莫不

蹉跌管仲射之正中其鉤中矢觸因落不跌中旁肉命當富

貴有神靈之助故有射鉤不中之驗

未至隗囂乘勝 閩本未下有及字

蓋蕭曹紹封傳繼於今 案本紀永元三年詔以曹相國後容

後漢書辨疑卷四

十一

南風雅書局印

城侯無嗣求近親紹封注誤

岑彭傳

與將軍徭偉鎮淮陽 徭疑當作搖廣韻搖下言姓徭下不言

姓

從河內太守邑人韓歆會 彭與歆俱是南陽人故云邑人猶

言邑子也

建武二年使彭擊荊州 案彭擊荊州本紀在元年十月此云

二年誤

注臨沮中沮廬 下沮字衍

拔黃郵注在南陽新都縣 新都當作新野

沿江派河止黎丘 止當作上

夾川谷少水險難漕運 谷當作穀

起浮橋關樓立欂柱 關樓通鑑作關樓注云猶今城上敵樓也叢木爲柱曰欂柱

吳漢以三郡棹卒多貴糧穀 貴閩本作費

彭奇船逆流而上 陳景雲曰是時魯奇應募以偏師獨進岑

彭見敵勢已摧乃悉軍竝進耳彭不與奇同行此文不合有

彭字

率二萬餘人拒黃石 杜佑曰今謂之橫石灘

賈復傳

方任以職勿以擅除 勿以閩本作勿得

復率然對曰 率然與率爾同意

後漢書辨疑卷四

三

廣雅書局印

吳漢傳

擊富平獲索二賊于平原 案此事本紀在五年二月而傳在

四年冬蓋自四年冬出至明年春成功也

使副將武威將軍劉向 向當作尙朝陽侯劉浮之弟也祭遵

馬成傳亦誤南監本此條不誤

漢使護軍高午 續天文志作護軍將軍高午

置居庸常關以東 常關當作常山關說見本紀

漢性彊力 案彊力二字疑卽彊字也誤分爲二說文彊迫也

古文作彊爾雅強勤也孟子強爲善而已矣皆當爲彊

方整厲器械激揚士吏 案士吏疑當作吏士

初無辦嚴之日 嚴卽裝也避諱改然上文裝露橈船又岑彭

傳裝直進樓船皆作裝蓋蔚宗承用舊文改之有未盡耳

蓋延傳

以延爲虎牙將軍 案本紀及諸傳俱作虎牙大將軍疑脫大

字虎牙取其威武所謂雜號將軍也王莽將王邑嘗爲虎牙

將軍

永爲其將所殺 永將慶吾也

及龐萌反攻殺楚郡太守 太守孫萌也袁宏後漢紀作楚相

非是

延走北度泗泗水破舟楫 泗字閩本不重

陳俊傳

嘉遣書薦俊 遣疑遺字之譌

後漢書辨疑卷四

十三 廣雅書局採

大司馬吳漢承制拜俊爲彊弩大將軍 案本紀及吳漢耿弇

等傳但言彊弩將軍無大字是時蓋以彊弩將軍行大將軍

事猶下文拜俊太山太守行大將軍事也

轉徇汝陽及頃 頃閩本作頃

臧宮傳

潁川頰人也 頰當作邾南監本不誤

疲困之力 之當作乏

後漢書辨疑卷四終

南海潘乃成番禺陳慶修鄭權金俊基校字

後漢書辨疑卷五

嘉定錢大昭撰

耿弇傳

攻厭新賊于敖倉皆破降之 時宗室劉茂自號厭新將軍率

眾降封爲中山王

封牟平侯 封字下疑脫舒字況長子弇封好時次子舒封牟

平故以少子霸嗣封陰廩也若以牟平爲況所食邑則傳當

云徙封牟平矣不然霸襲況爵而牟平之封反屬之舒有是

理乎熊方異姓侯表有牟平烈侯耿況知北宋本已脫誤

遣弇與吳漢擊富平獲索賊于西原 西原當作平原閩本不

誤

後漢書辨疑卷五

乃使其大將軍費邑軍歷下 大將軍袁紀作濟南王張步封

費邑爲濟南王故有是稱

自旦攻城未中而拔之 未中上疑有日字

費敢悉眾忘歸張步 忘當作亡

護軍荀梁等爭之以爲宜速攻西安 梁等以爲攻臨菑西安

必救之攻西安臨菑不能救故欲攻西安

追至鉅昧水上 水經注巨洋水出朱虛縣東太山袁宏謂之

鉅昧水王韶之以爲巨蔑北過臨朐縣東又北過臨朐縣西

又東北過壽光縣西

羣臣大會弟謂弇曰 弟是帝字之謫南監本不誤

爲河陽太守 河陽當從注作河東

寶弟子承襲公主爵爲林慮侯 案寶父襲尙隆慮公主寶旣襲父爵爲牟平侯則襲母爵者必是寶弟矣傳云寶弟子疑衍子字

論弇決策河北 閩本弇上有耿字

耿秉傳

封秉美陽侯 案水經注云永元二年更封鄣雍侯耿秉爲美陽侯傳不言其初封鄣雍此是章和彼作永元亦不同

丞相司直韋況晁曇謀起兵誅操 案本紀及三輔決錄注並作韋晃則此況字衍文晃下曇字亦衍

耿夔傳

以夔爲大將軍左校尉 南匈奴傳作右校尉

後漢書辨疑卷五

二

廣雅書局

乃封夔栗邑侯 栗當作粟

耿恭傳

乃以恭爲戊己校尉 衍己字閩本不誤時恭爲戊校尉關寵

爲己校尉

鉞期傳

鉞弟陸謀欲反城迎檀鄉 反字不當斷句

祭遵傳

注杜衍縣名屬河南郡 河南當作南陽

又建爲孔子立後奏置五經大夫 建疑當作遵

祭彤傳

及赤山烏桓連和疆盛 烏桓傳云赤山在遼東西北數千里

彤有勇力能貫三百斤弓 史記五子胥傳云五胥貫弓執矢  
嚮使者注云貫烏還反司馬貞曰張滿弓鄭注鄉射云古文  
貫作關

任光傳

軍人見光冠服鮮明 服之華麗者謂之鮮明前書辛慶忌傳  
云性好輿馬號爲鮮明惟是爲奢王吉傳云皆好車馬衣服  
其自奉養極爲鮮明游俠傳云率皆羸車小馬不上鮮明

拜曾東萊郡太守 郡字疑衍

李忠傳

世祖會諸將問所得財物惟忠獨無所掠 是時兵少執力虛

弱聽任光之計募發奔命出攻傍縣若不降者悉聽掠之人

後漢書辨疑卷五

三 廣雅書局藏

貪財物則兵可招而致故問所得財物此權宜行之耳忠無  
所掠特優賜以寵異之故能上合天心下孚眾望非若更始  
居長樂宮升前殿而問諸將後至者虜掠得幾何也

萬脩傳

更始時爲信都尉 尉當從任光傳作令閩本不誤

邳彤傳

明公旣西則邯鄲城民不肯捐父母背城主而千里送公 是  
時邯鄲爲王郎所據或疑邯鄲二字有誤案通鑑考異云據  
文意兩城字皆當作成邯鄲成謂邯鄲勢成也成主謂王郎  
爲已成之主也此說得之

朱祐傳



帝因笑曰主人得無舍我講乎 東觀漢記云初上學長安過  
朱祐宅祐畱上須講竟乃談話及帝登位車駕幸祐第問主  
人得無去我講乎祐曰不敢見文選爲范尙書讓封侯表注

景丹傳

景丹字孫卿 廣韻景姓齊景公之後

何意二郡良爲吾來 後漢紀良下有牧字

杜茂傳

進攻西攻 西攻當作西防閩本不誤

涼誅其豪右郭氏之屬 郭閩本作郁

劉隆傳

歲郡上將軍印綬 郡當作餘南監本不誤

後漢書辨疑卷五

四

廣雅書目釋

帝令虎賁將詰問吏 虎賁將疑卽虎賁中郎將

馬武傳

進至安定次小廣陽 陳景雲曰安次勃海屬縣也以光武紀

耿弇傳證之則定字之衍明矣小廣陽注亦以弇傳爲是注  
不出一人之手故多互異

征西大將軍陽夏侯馮異 胡三省曰馮異傳異封陽夏侯馬

武傳末列二十八將官位姓名曰夏陽夏侯異陽夏縣屬淮  
陽郡夏陽縣屬左馮翊未知孰是大昭案今本亦作陽夏蓋

後人據本傳改

竇融傳

以軍功封建武男 王莽時男爵可攷者有利苗男訢脩監男

遵集胡男何封瓜寧男瓜田儀明學男張邯并此建武男凡  
六人

金城太守庫鈞 三史拾遺曰古讀庫有舍音猶車音尺遮反  
余音食遮反也廣韻四十禡部別出庫字云姓也此流俗妄  
造之字

酒泉都尉竺曾 廣韻竺姓出東莞後漢擬陽侯竺晏本姓竹  
報怨有仇以胄始名賢不改其族乃加二字以存夷齊而移  
于琅邪莒縣也大昭案漢書西域傳有謁者竺次則非東漢  
人避仇而改矣

竇固傳

來苗文穆至匈奴河水上 匈奴河當作匈河前書匈河去合  
後漢書辨疑卷五

居數千里

復代馬防爲衛尉 馬防當作馬光

竇憲傳

納于大麓 時憲以侍中內幹機密出宣詔命故以大錄萬機  
稱之

爰該六師 說文該軍中約也前書執文志五行家有五音奇  
胘用兵二十三卷注云胘軍中約蓋該胘古字通注非

從事中郎二人六百石 案從事中郎下當有將字說見百官  
志下文憲遣大將軍中護軍班固行中郎將卽大將軍官屬  
之中郎將也

詔執金吾五校尉勒兵屯衛南北宮 五校尉屯騎越騎步兵

長水射聲也皆屬北軍中候時竇霸爲城門校尉因誅竇氏  
故不敕令勒兵

馬援傳

注是時員爲護苑使者 案前書百官表無此官然事騎將軍  
王音嘗薦谷永爲護苑使者見永傳

納王游翁詔邪之說 案隗囂傳王元字惠孟而此又稱其字  
曰游翁是一人有一字也

援聞之不自知其下也 案知其下當有泣字南監本其作泣  
良怖急者可狀下伏 狀當作牀

上書言宜如舊鑄五銖錢 王莽始建國元年廢五銖錢故請  
復之

後漢書辨疑卷五

六

廣雅書目局宋

帝嘗言伏波論兵與我意合 兒子東垣曰援拜伏波將軍尙  
在下文此處不宜先稱

而反游京師長者 陳景雲曰長者猶言貴人耳鄭眾辭皇太  
子山陽王之聘梁松諷以長者意不可逆是也豪俠之解似  
未當

以當瞽人夜誦之音 夜誦樂官名說詳前書禮樂志注非是  
馬防傳

圍南部都尉于臨洮 案前書臨洮南部都尉治

防乃別使兩司馬將數百騎 案續志將軍長史司馬皆一人  
此言兩司馬故下文防遣司馬夏駿又遣司馬馬彭也

及隴西長史 續志郡當邊戍者丞爲長史

其令許侯思憊田廬 許侯當作許陽侯

馬巖傳

徵拜侍御史中丞 案續漢書百官志御史中丞一人千石本注曰御史大夫之丞也及御史大夫轉爲司空因別畱中爲御史臺率後又屬少府巖所拜者卽此職疑徵拜下衍侍字志又有治書侍御史二人侍御史十五人皆六百石非中丞也或先拜侍御史而遷中丞亦未可定

遷五官中郎 觀下文復以五官中郎將行長樂衛尉事知此中郎下脫將字

卓茂傳

劉宣安眾侯崇之從弟光武以宣龔封安眾侯 陳景雲曰據

後漢書辨疑卷五

七

廣雅書局宋

前表建武初以崇從父弟寵紹封安眾侯其名與范史不同又據謝承書安眾侯有預討王莽佐平王郎大功非避世者不知范史何以魯異若此

魯恭傳

父某 史闕名

遠臧於史侯河西 南匈奴傳作安侯河西

魏霸傳

和帝崩典作順陵 和帝紀注云慎陵俗本作順者誤

劉寬傳

父崎順帝時爲司徒 案劉寬碑云公之考乃作司徒輔毗安

順勳載二葉是崎於安帝時已爲司徒碑文立于其時必不

誤也今范書本紀及傳皆無安帝時崎爲司徒事失其實矣  
時京師地震特見詢問再遷出爲東海相延熹八年徵拜尙書  
令 碑云州郡禮招三公竝辟皆不詘志大將軍辟舉高第  
拜侍御史遷梁令喪舊君去官博士徵三府辟皆又不到司  
隸校尉察茂材太尉舉有道公車徵拜議郎司徒長史入登  
侍中延熹八年地震有詔詢異公以演策沈漸對當帝心轉  
拜尙書遷東海相南陽太守帝初卽位徵拜太中大夫遷侍  
中屯騎校尉宗正光祿勳太尉洪景伯曰碑以對地震拜尙  
書在八年傳則以問地震相東海在前而八年所拜乃尙書  
案帝紀延熹八年九月丁未京師地震傳之誤也

嘉平元年 嘉當作熹

後漢書辨疑卷五

八

廣雅書局藏

後以日食策免 據劉寬碑熹平五年之免太尉以固疾光和  
四年之免太尉以日食傳似誤

以先策黃巾逆謀以事上聞 碑云先是時也狂寇張角妖逆  
公仰觀見象上遏其源未逮誅討亂作不旋帝乃追寶先謀  
錫之土田

伏湛傳

唯云願降司徒伏公 司徒上當有大字

子完嗣 伏完事迹見於后紀故此不備書

侯霸傳

師事九江太守房元治穀梁春秋爲元都講 案前書儒林傳  
房鳳字子元不其人也其穀梁春秋學傳自諫大夫尹更始

哀帝時鳳爲九江太守此云房元卽房鳳也不書名而書字不書全字而單舉其一未知何故

建武四年光武徵霸與車騎會壽春拜尙書令 車騎閭本作車駕建武三年霸奏朱浮罪當伏誅時已爲尙書令則非四年始拜也

其後河南蔡茂 案茂河內懷人此作河南轉寫之誤南監本不誤

京兆玉況 玉有肅音玉篇廣韻竝移點於上以爲玉姓非也宋弘傳

父尙成帝時至少府 班表失載 嵩子由章和開爲太尉 章和當作元和

後漢書辨疑卷五

九

廣雅書局

及其在賓 賓與殯同說文殯死在棺將遷葬柩賓遇之禮記曾子問篇而后辭于殯鄭注殯讀爲賓是古字通監本作殯蔡茂傳

代戴涉爲司徒 司徒上當有大字攷本紀戴涉之後尙有太子太傅張湛爲大司徒旋以病罷故直云代涉爲之

馮勤傳 司徒侯霸薦前梁合閭楊 司徒上亦當有大字

趙熹傳

幽并二州由是而定 案本紀建武十五年徙雁門代上谷三郡民置常山居庸關以東二十六年郡民歸于本土上谷代郡屬幽州雁門屬并州故云二州注以爲雲中五原無論建

武六年無此事且雲中五原俱屬并州不得言幽并二州也  
長子代給事黃門 案嘉子名世永平中爲侍中見百官志注  
今作代唐人避諱改

韋彪傳

今四巡舊都 四當作西南監本不誤

建初二年已封曹參後曹湛爲平陽侯 案皇后紀平陽公主  
以永平三年封馮勤傳建初八年馮奮襲母公主爵爲平陽  
侯薨無子永元七年復封奮兄勁爲平陽侯奉公主之祀勁  
子卯卯子畱皆嗣封竊疑建初中不應有兩平陽侯又攷和  
帝紀永元三年詔以曹相國後容城侯無嗣求近親紹封則  
曹參後之紹封非平陽乃容城也

後漢書辨疑卷五

十

廣雅書目同聚

雖進退舒遲時有不速 速當作逮南監本不誤

宣秉傳

卽賜布帛帳帷什物 今人名一切器用爲什物本此

帝敏惜之 敏與閔古字通

王丹傳

其墮嬾者恥不致丹 嬾俗字說文作嬾懈也怠也

杜林傳

得漆書古文尚書一卷常寶愛之 實當作寶南監本不誤

羣臣上言古者肉刑嚴重 事具梁統奏疏

郭丹傳

大司馬嚴光請丹辭病不就 光當作尤前書王莽傳云大司

馬陳茂以日食免武建伯嚴尤爲大司馬

吳良傳

信陽侯陰就干突禁衛 陰興傳注云新陽屬汝南郡新信古

字通

車府令徐匡鉤就車 車府令主乘輿諸車

承宮傳

經典既明乃歸家教授 樊儵傳云承宮爲海內大儒

拜侍中祭酒 侍中本有僕射一人中興改爲祭酒

趙典傳

溫初爲京兆郡丞 京兆前後漢皆不稱郡此郡字衍

贊少卿志仕終乘高箱 箱車箱也謂郭丹果乘高車出關

後漢書辨疑卷五

十一 廣雅書局藏

桓譚傳

如此天下方知 方知當作知方南監本不誤

譬猶十數隻偶之類 十閩本作小通鑑作小南監本不誤

吾欲識決之何如 欲下閩本有以字

出爲六安郡丞 案郡國志建武十三年省六安國以其縣屬

廬江郡然則建武十三年以前爲六安國十三年以後又併

入廬江未嘗爲郡安得有丞此句疑誤

馮衍傳

注東觀記自明君以下皆是諫鄧禹之詞 案鮑永傳更始二

年以尙書僕射行大將軍事安集河東并州朔部故衍疏云

并州之地東帶名關北逼彊胡也若云諫鄧禹禹乃前將軍



非大將軍且禹所攻者河東非并州東觀記誤矣  
必懷周趙之憂 周當是害字之誤注說非也

聖人轉禍而爲福 結數句與前說廉丹書略同

拒擊宗王 宗王當作宗正

見排于魏青 魏當作衛南監本不誤

甲子之朝兮汨吾西征 汨讀與聿同

遵大路而裴回兮 裴回與上文裴回鎬京句複見

雖九死而不眠兮 眠古作瞑目之瞑說文瞑翕目也徐鉉曰

今俗別作眠非是

心惛憶而紛紜 惛憶與惛憶同前書陳湯傳策慮惛憶義勇

奮發顏籀曰惛憶憤怒之貌

後漢書辨疑卷五

終餘憚而洞疑 楚詞七諫云心餘憚而煩冤兮王逸曰餘憚

憂愁貌大昭案說文解字念憚也知古字作念憚

拈桓文之譎功 方言攆取也郭璞曰攆古拈字說文攆拾也

前書藝文志云拈攆遺逸師古曰拈攆謂拾取之

馮豹傳

以詩春秋教麗山下 麗山卽驪山也在京兆新豐縣

後漢書辨疑卷五終 南海潘乃成番禺陳慶修鄭權金陵基校字

